

11. november 2007

UKA 2007/12

UPA 2007/50

**Tusagassiuisarnermi akisussaassuseqarneq pillugu Inatsisartut inatsisissaattut
siunnersuut**

pillugu

Inatsisartut Kultureqarnermut Ilinniartitaanermullu Ataatsimiititaliaata

ILASSUTITUT ISUMALIUTISSIISSUTAA

Inatsisissatut siunnersuutip pingajussaaneernerani saqqummiunneqartoq

Inatsisartut Kultureqarnermut Ilinniartitaanermullu Ataatsimiititaliaat
suliarinninnermini ukuninnga inuttaqarpoq:

Inatsisartunut ilaasortaq Kristian Jeremiassen, Atassut, siulittaasoq
Inatsisartunut ilaasortaq Ruth Heilmann, Siumut, siulittaasup tullia
Inatsisartunut ilaasortaq Doris Jakobsen, Siumut
Inatsisartunut ilaasortaq Juliane Henningsen , Inuit Ataqtigiit
Inatsisartunut ilaasortaq Lene Knüppel, Demokraatit
Inatsisartunut ilaasortaq Otto Jeremiassen, Siumut (sinniisussaq)
Inatsisartunut ilaasortaq Johan Lund Olsen, Inuit Ataqtigiit (sinniisussaq)

UPA 2007-imi siullermeerinerup kingorna Inatsisartut Kultureqarnermut
Ilinniartitaanermullu Ataatsimiititaliaat inatsisissatut siunnersuummut
isumaliutissiissuteqarpoq.

Inatsisissatut siunnersuutip aappassaaneerneqarnissaanut Naalakkersuisut
allannguutissatut siunnersuummik Tusagassiuisarneq pillugu Aalajangersaasarfimmi
siulittaasup inatsilerituujunissaanik imaqartumik saqqummiussipput. Kiisalu
Tusagassiuisarneq pillugu Aalajangersaasarfiup allatut katitigaanissaa
ataatsimiititaliap isumaliutissiissummini siunnersuutigaa. Ataatsimiititaliap
isummernera Naalakkersuisunit isumaqatigineqanngilaq Naalakkersuisullu tassunga
allannguutissatut siunnersuummik saqqummiussaqaanngillat. Pineqaatissiissutissanut
aalajangersakkanik aalajangersaanissamut Naalakkersuisut oqartussaassuseqarnerat
pillugu Inatsisartunut ilaasortaq Anthon Naalakkersuisunut apeqquteqarpoq.
Inatsisissatut siunnersuutip aappassaaneerneqarnerata kingorna tassunga

Naalakkersuisut akissuteqaataat ataatsimiititaliamit tiguneqarpoq, taannalu ilanngussaq 1-itut ilanngunneqarpoq.

Naalakkersuisut oqaaseqaataat aammalu Inatsisartunut ilaasortamut akissutaat **ataatsimiititaliami amerlanerussuteqartut Siumup, Atassutip Inuit Ataqatigiillu** tusaatissatut tiguaat. Tamanna tunngavigalugu Naalakkersuisut isumaqatigineqartut aammalu allamik oqaaseqaatissaqartoqanngitsoq amerlanerussuteqartunit oqaatigineqassaaq.

Tamanna tunngavigalugu Naalakkersuisut allannguutissatut siunnersuutaat akuersissutigineqassasoq ataatsimiititaliami amerlanerussuteqartut inassutigaaat.

Tamatuma saniatigut allannguutissatut siunnersuutip akuersissutigineqarnerata kingorna inatsisissatut siunnersuut iluserilikkamisut iluseqarluni akuersissutigineqassasoq ataatsimiititaliami amerlanerussuteqartut inassutigaaat.

Ataatsimiititaliami ikinnerussuteqartut Demokraatit Naalakkersuisut akissuteqaataat naammaginarinngilaat, taamaattumillu Tusagassiuisarnek pillugu Aalajangersaasarfimmi Landsdommerip siulittaasuunissaanik aammalu ataatsimiititaliap katitigaanerata allanngortinneqartariaqarneranik isummiussatik siusinnerusukkat saqqummiunneqartut aalajangiusimallugit.

Kiisalu isumaqarlutik oqartussaassuseq pillugu apeqqutit Inatsisunik Atortitsinermut Ministereqarfimmit akineqarnissaasa tungaannut inatsisissatut siunnersuutip pingajussaaneeraneqarnissaa kinguartinneqartariaqartoq.

Tamanna tunngavigalugu Naalakkersuisut allannguutissatut siunnersuutaat taamatullu inatsisissatut siunnersuut itigartitsissutigineqassasut **ataatsimiititaliami ikinnerussuteqartut** inassutigaaat.

Taama oqaaseqarluni Inatsisartut Kultureqarnermut Ilinniartitaanermullu Ataatsimiititaliaata inatsisissatut siunnersuut pingajussaaniigassanngortippaa.

Kristian Jeremiassen
Siulittaasoq

Ruth Heilmann
Siulittaasup tullia

Otto Jeremiassen

Johan Lund Olsen

Lene Knüppel

[Ilanngussaq](#)

